

Vischnaunca da Breil

Reglament per il carrar las vias dad alp, d'uaul e funsilas dalla vischnaunca da Breil cun vehichels a motor

- Art. 1 Scamond da carrar ed ordinaziuns
2 Excepziuns per la lubientscha da carrar libra
3 Excepziuns pil diever da vias suttamessas alla
obligaziun da lubientscha
4 Negina lubientscha speciala
5 Taxas
6 Specialas prescripziuns
7 Responsabladad
8 Disposiziuns penalas
9 Execuziun
10 Publicaziun e signalisaziun
11 Vigur

Sefundond sigl art. 3 dalla lescha davart il traffic sin via e la lescha d'uaul dil cantun Grischun, sco era sigl art. 7, 10 e 13 dallas ordinaziuns executivas tier la lescha da traffic sin via ed art. 15 e 34 dallas ordinaziuns executoricas tier la lescha d'uaul, ha la vischnaunca da Breil approbau a caschun dalla radunonza communal dil 10 da december 1994 suandont reglament.

Art. 1

Sin las sutnumnadas vias communalas d'uaul e funsilas vegn scumandau da carrar cun vehichels a motor e velos a motor, numnadamain:

Scamond da carrar ed ordinaziuns

- Via Tschuppina sutten, tschancun camp militar – Flan
- Via Vals – Plaun Sut, tschancun sviada lag entochen Plaun Sut
- Via Resgia – Plaun da Pors
- Via S. Giacun – Ignius – Cuolms da Runs
- Via S. Giacun – Plaun las Steilas – Cuolms da Runs – Plaun La Lenna – Plaun da Plaids
- Via S. Giacun – Artugl – Tschegn-Dado-Sut – Tschegn-Dadens – Tschegn-Dado-sura e Surmitschun
- Via S. Giacun – Artugl – Sur l'Acla – Alp da stiarls – Chischarolas – Rubi

Art. 2

Da quei scamond ein excepì ils suandonts vehichels che pretendan negina lubientscha:

Excepziuns per la lubientscha da carrar libra

- a) Vehichels a motor dalla polizia, sanitad, ufficials dall'assicuranza Bovina e pompiers per viadis da survetsch (art. 5, alinea 1 dalla OECG tier la LTF).
- b) Vehichels a motor che vegnan mess en diever dallas instanzas cumpetenzas dil cantun e dalla vischnaunca en cass d'accidents, fiug ni catastofas (art. 5, alinea 2 OECG tier la LTF).
- c) Vehichels a motor da miedis e vetrinaris en connex cun l'execuziun d'incaricas ufficialas.
- d) Vehichels a motor en survetsch dalla publicitad per ademplir lavurs ufficialas (per exempel spazzatgamin ed auters sco era dertgiras per uatgas).

- e) Vehichels a motor agrars inclusiv mopeds tochen 50 cm³, che han per intent da cultivar alps, praus e pastiras aschinavon ch'els stattan veramein en funcziun dalla cultivaziun (cun marca da controlla verda).
- f) Vehichels a motor agrars e forestals, che stattan en diever per l'execuziun da lavurs d'uaul sco transport da lenna ed uaffens, aschinavon che las lavurs vegnan veramein exequidas enteifer quei intsches e temps (cun marca da controlla verda).
- g) Per la raccolta da lenna dat ei per sort e lubientscha da rustgar ina carta gratuita, limitada sin 1 jamna, quei denton cun presentar la carta da rustgar ni la quittance dalla sort cun numera.
- h) Viadis el survetsch dalla Confederaziun (art. 3, alinea 3 LFT).

Art. 3

Excepziuns pil diever da vias suttamessas alla obligaziun da lubientscha

La suprastanza communal conceda sin damonda lubientschas da carrar per:

- a) Vehichels a motor da possessurs che han lur domicil ni fatschenta el territori scumandau (art. 10, alinea 1 dalla OECG tier la LTF).
- b) Vehichels a motor da possessurs da funs e baghetgs, locataris e migiurs per viadi tier lur schischom e possess.
- c) Vehichels a motor per il survetsch da furniziun da victualias e material.
- d) Vehichels a motor da mistergners per l'execuziun da lur clamada.
- e) Vehichels a motor da personas impedidas.
- f) Vehichels a motor per survetsch d'apport tier camonas sco era per visetas a pasturs, alps eav.

Art. 4

Negina lubientscha speciala

Per il tschancun via Resgia – Plaun da Pors dat ei ni per autos ni motos lubientschas specialas (tenor art. 3).

Art. 5

Per la lubientscha da carrar vegn quintau las suandontas taxas: Taxas

- a) Lubientscha d'ina sesiun per vehichels entochen 3.5 t frs. 25.–
- b) Lubientscha d'in di per ir e turnar per vehichels entochen 3.5 t frs. 5.–
- c) Vehichels a motor sur 3.5 t pagan per viadi ir e turnar frs. 100.–

Ina lubientscha ei valeivla per maximal 3 dis dapi il datum ch'ella ei tschentada ora.

La lubientscha ei buca transferibla e sto vegnir exponida duront ch'ei vegn fatg diever dad ella beinveseivla vid il vehichel.

Las differentas lubientschas ein da retrer dalla canzlia communal.

La suprastonza communal sa surdar ad autras persunas e fatschentas da dar ora talas lubientschas. Per vehichels sur 3.5 t sa la suprastonza, sin fundament dalla capaciad da purtar e sin fundament dall'intensivitat dils viadis pretender ina taxa supplementara per il manteniment dallas vias (art. 10, alineia 2 dalla OECG tier la LTF). Per pli gronds transports sa la suprastonza era fixar en cunvegnientscha cun l'interpresa ina taxa pauschala per tals vehichels.

Art. 6

- a) La suprastonza communal sa tier disfavoreivlas situaziuns dalla via e da traffic scumandar tuts viadis tenor art. 3 per in temps limitau ni limitar las categorias da vehichels. Specialas prescripziuns
- b) Tuttas purteglia ein mintgamai dad arver ed era immediat da serrar.
- c) Sil terren confinond cun la via astga buca vegnir carrau. Parcar ei lubiu mo els loghens previ per parcadis ni en loghens adattai per parcar.

Art. 7

En cass da donns ed accidents, era donns caschunai entras il muvel alpegiau, surpren la vischnaunca negina responsabilidad, exeptu art. 58 OR. Responsabilidad

Disposiziuns penalas	<p>Art. 8</p> <p>a) Falliments encunter quest reglament vegnan puni entras la suprastanza communal sefundond sigl art. 20 ed art. 23 OECG tier la LTF cun in castitg da tochen frs. 200.–, en cass da repetiziun entochen frs. 1000.–.</p> <p>b) En cass da surdiever sa la lubientscha vegnir retratga dalla suprastanza communal per in temps limitau ni permanent.</p>
Execuziun	<p>Art. 9</p> <p>L'execuziun da quei reglament ei caussa dalla suprastanza communal. Ella sa delegar quella competenza a tiarzas personas ni era ad emploiai da vischnaunca.</p>
Publicaziun e signalisaziun	<p>Art. 10</p> <p>Las restrincziuns da traffic ordinadas entras quest reglament ein da publicar da temps en temps el fegl official dalla Surselva.</p> <p>La signalisaziun succeda en entelgientscha cun la polizia da traffic cantunala.</p>
Vigur	<p>Art. 11</p> <p>Quest reglament passa en vigur cun l'approbaziun dalla radunonza communal dils 10 da december 1994.</p>

Breil, ils 24 da december 1994

En num dil cussegl da vischnaunca

Il president *Adelrich Berther*

Il vicepresidente *Pauli Tomaschett*

En num dalla suprastanza communal

Il president *Sep Cathomas*

Igl actuar *Fridolin Cahenzli*